

# BUDŽET ZA GRAĐANE

2024. godina



[www.starigrad.ba](http://www.starigrad.ba)



## Irfan Čengić

Općinski načelnik

Dragi građani i građanke,

Predstavljamo vam 'Budžet za građane 2024' Općine Stari Grad Sarajevo s ciljem pružanja jasnijeg uvida u planiranje, prikupljanje i raspodjelu budžetskih sredstava za budućnost. Ovaj dokument je namijenjen da transparentno prikaže raspodjelu sredstava i omogući jednostavno praćenje ostvarenja postavljenih ciljeva. Kroz ovaj budžet, želimo vam omogućiti ne samo bolje razumijevanje nadležnosti Općine kao lokalne samouprave, već i prikazati područja na koja usmjeravamo značajna sredstva, čak i ako nisu direktno u našoj domeni. Naš je cilj unaprijediti kvalitetu života i olakšati svakodnevnicu svim građanima.

'Budžet za građane' prikazuje te izazove u odabiru prioriteta, ali istovremeno pruža uvid kako pojedinci mogu učestvovati u kreiranju budžeta i dati svoj doprinos. Važno je istaći i važnost javne rasprave o Nacrtu budžeta Općine Stari Grad, koja je trajala 10 dana. Ova rasprava pružila vam je priliku da u pisanoj formi iznesete svoje prijedloge nadležnoj službi. Svi prijedlozi bili su pažljivo razmotreni i, unutar razumnih granica, uvršteni u budžet.

Također, na raspolaganju su vam bile i naše mjesne zajednice kao direktna veza s Općinom, koje su prenosile vaše zahtjeve i želje. Vaš doprinos u kreiranju budžeta na ovakav način pomogao nam je da identifikujemo prioritete i stvarne potrebe građana.

Vaše aktivno učestvovanje u budžetskom procesu rezultirao je kvalitetnijim upravljanjem lokalnom zajednicom. Važnost vašeg angažmana u oblikovanju budžeta nije samo u unapređenju transparentnosti, već i u usmjeravanju resursa prema onome što je za zajednicu zaista ključno.

Hvala vam na podršci i učestvovanju u oblikovanju budućnosti naše lokalne zajednice.

Vaš načelnik

## Šta je budžet za građane?

Budžet je ključni instrument pomoću kojeg Općina provodi svoju politiku u djela. Godišnji budžet je obično veoma kompleksan dokument koji je teško razumljiv velikom dijelu javnosti i upravo zbog toga ovaj dokument treba građanima pomoći da razumiju budžet. Nije najvažnije da budžet bude dostupan javnosti, već je podjednako važno da budžet bude pristupačan i razumljiv.

Budžet za građane predstavlja jednu vrstu pojednostavljenog budžetskog dokumenta čija je osnovna karakteristika da je kreiran tako da bude dostupan i razumljiv većem dijelu populacije.

Dokumentom koji je pred vama nastojali smo da kroz slikovite tabele, grafikone i dijagrame prikažemo prihode, rashode, javni dug, raspodjelu sredstava po projektima, oblastima itd.

Budžet Općine je jednogodišnji dokument, kojeg priprema načelnik u saradnji sa općinskim službama/sektorima, a usvaja ga Općinsko vijeće. Budžet ima karakter finansijskog plana Općine za jednu godinu i predstavlja prognozu, ali je i više od toga: odredbe budžeta su obavezujuće za općinske organe na rashodovnoj strani i predviđeni izdaci se ne bi smjeli prekoračivati bez rebalansa budžeta, odnosno bez izmjene budžeta po istoj proceduri po kojoj je donijet. Sadržaj budžeta obično čine razvijeni spisak prihoda i rashoda, zajedno sa njihovim planiranim iznosima za sljedeću godinu, kao i pratećim odredbama. Način na koji je formulisan budžet jednog organa uprave većini građana je nejasan i nerazumljiv. Iz tog razloga radi se tzv. Budžet za građane koji možete naći u mnogim razvijenim zemljama, a na mala vrata ulazi i u BiH.

Budžet za građane je svojevrsni izvještaj predstavljen u pristupačnom formatu, koristi jednostavan i jasan jezik koji građani mogu razumjeti. Ako su u stanju da razumiju, građani onda mogu ostvarivati svoja građanska prava u demokratiji, postavljati pitanja koja osiguravaju da vlast objašnjava ono šta radi u njihovo ime.

**Budžet Općine Stari Grad Sarajevo za 2024. godinu 35.536.020 KM**



### Budžet - Kraljeva kesa

Riječ "budžet" potiče od stare francuske riječi za malu kožnu torbicu. Kasnije se značenje promijenilo, pa je ista riječ označavala kraljevu kesu, odnosno biti plaćen iz budžeta značilo je dobiti novac iz kraljeve kесе

## Ko finansira pojedine nadležnosti?

Općina Stari Grad Sarajevo, kao jedinica lokalne samouprave u FBiH, obavlja poslove iz samostalne nadležnosti i poslove koji su joj preneseni posebnim zakonima i propisima. Uzimajući u obzir cjelokupnu ekonomsku situaciju, općina se u određenoj mjeri uključuje u finansiranje projekata i davanje pomoći pojedinim kategorijama stanovništva, koji nisu u direktnoj nadležnosti lokalnih nivoa vlasti. U narednoj tabeli prikazane su oblasti koje Općina finansira potpuno, većim dijelom (zakonskim propisima podijeljena nadležnost sa višim nivoima vlasti), u određenoj mjeri (nadležnost drugih nivoa vlasti), ili koristi donatorska sredstva.

Učešće Općine u finansiranju	Uglavnom finansira Općina (podijeljena nadležnost)	Potpuno finansira Općina (direktna nadležnost)	U manjoj mjeri finansira Općina (nadležnost drugih nivoa vlasti)	Ne finansira Općina (donatorska sredstva)
Imovinsko- pravni i stambeni poslovi	X			
Zaštita okoliša i privreda (poljoprivreda, zanatstvo, šumarstvo, ugostiteljstvo)			X	
Civilna zaštita	X			
Komunalne i druge djelatnosti		X		X
Investicije		X		X
Urbanizam i prostorno uređenje	X			
Boračka zaštita	X		X	
Socijalna i zdravstvena zaštita	X		X	
Opća uprava (takse, matični ured i sl.)	X			
Obrazovanje	X		X	
Kultura i sport	X		X	
Lokalni razvoj i OCD	X			X

## Budžet za 2024. godinu


Općinsko vijeće Stari Grad Sarajevo usvojilo je Prijedlog Budžeta Općine Stari Grad Sarajevo za 2024. godinu na sjednici održanoj 31.01.2024. godine. Prijedlozi i sugestije na Nacrt Budžeta mogli su se dostaviti najkasnije do 08. januara 2024. godine. Budžet Općine Stari Grad Sarajevo za 2024. godinu iznosi **35.536.020 KM**.

## Kako se puni budžet Općine Stari Grad Sarajevo?

### PRIHODI

Planirani prihodi sastoje se od:

- prihoda od poreza 7.387.820,00 KM;
- prihoda od poduzetničkih aktivnosti i imovine 8.396.000,00 KM;
- naknada, taksi i prihoda od pružanja javnih usluga građanima 4.169.250,00 KM;
- novčanih kazni 30.000,00 KM;
- tekućih potpora 10.957.500,00 KM.



Struktura planiranih prihoda u Budžetu za 2024. godinu


**Porezni prihodi** sastoje se najvećim dijelom od indirektnih poreza, poreza na imovinu i poreza na dohodak. Općina nema direktan utjecaj na ostvarenje poreznih prihoda s obzirom na to da se oni prate i raspoređuju na višim nivoima vlasti, a planirani su u iznosu od 7.387.820,00 KM.

**Neporezne prihode** čine prihodi od poduzetničkih aktivnosti i imovine (planirani u iznosu od 8.396.000,00 KM, a odnose se na prihode od iznajmljivanja poslovnih prostora, stanova, zakupa garaža i sala, prodaje imovine, kamate, itd.), naknade, takse i prihodi od pružanja javnih usluga građanima (planirani u iznosu od 4.169.250,00 KM, a odnose se na zauzimanje javnih površina, sredstva rente građevinskog zemljišta, općinske komunalne takse, naknade za isticanje reklama i transparentata, itd.) i novčane kazne (planirane u iznosu od 30.000,00 KM, a odnose se na novčane kazne po općinskim propisima i ostale novčane kazne).

**Tekuće potpore** se odnose na grantove drugih nivoa vlasti i namijenjeni su za finansiranje i sufinansiranje projekata od zajedničkog interesa i čine 35% ukupno planiranih sredstava ili 10.957.500,00 KM.

## RASHODI

Pored rashoda planiranih za obavljanje osnovne djelatnosti u skladu sa zakonskim nadležnostima, rashodi i izdaci su planirani na osnovu ciljeva i projekata, programa rada Općinskog načelnika i potreba mjesnih područja.



Struktura planiranih rashoda i izdataka u Planu budžeta budžeta za 2024. godinu

## Investicije i komunalno

U oblasti komunalnih poslova planirana su značajna sredstva za sanaciju infrastrukture i osiguranje što boljih životnih uslova građana općine Stari Grad. U skladu sa prilivom sredstava u budžet, u sljedećoj godini planira se asfaltiranje ulica: Dženetića čikma, dio ulice Niže banje, Za Beglukom – plato Širokača, Sedrenik – Barice, Bistrik basamacima od broja 9 do spoja sa ulicom Za beglukom, Pod Hridom od broja 20 do broja 22, Paje sokak broj 34-52, dio ulice Grlica, dio ulice Hadžijska ravan broj 6-22, dio ulice Nevjestina, krak ulice Balibegovica čikma, Paje broj 51-34 prema ulici Begovac, dio Save Sklarića između brojeva 25 i 27, dio ulice Hladvode – Krak od broja 136 do broja 165, dio ulice Sedrenik kod broja 92, dio ulice Tale Ličanina do broja 12, dio ulice Krka kod broja 10 i 12, dio ulice Iza Hrida od O.Š. do ulice Nalina, dio ulice Obhodža lipe, dio ulice Gornje Čebedžije od broja 22 do broja 26, dio ulice Trčivode od broja 7 do ulice Hošin brijeg, dio ulice Braća Morići, dio ulice Maguda kod broja 3, ulica Iza bašće, Izgradnja trotoara na dijelu ulice Moščanica, dio ulice Barice 23-33, krak ulice Baruthana kod broja 29 dio ulice Nova Baruthana 69-73, dio ulice Nova Baruthana 56-62, ulica Dugi sokak, ulica Hladvode, sanacija dijela ulice Močila terezije, sanacija dijela ulice Josipa Štadlera, sanacija kraka ulice logavina kod MZ logavina, sanacija dijela ulice Zmajevac, sanacija kraka ulice Baruthana – pristupni put O.Š. Vrhbosna, sanacija dijela ulice Škaljin sokak od br. 29 do br. 37, sanacija dijela ulice Donje Biosko, proširenje ceste Moščanica kod ambulante Gazin Han, sanacija dijela ulice Pođebhana.

### Planirana su ulaganja u rekonstrukciju kanalizacione i vodovodne mreže:

Rekonstrukcija separatne kanalizacione mreže u ulici Mačkareva-II faza; rekonstrukcija kanalizacione i vodovodne mreže u ulici Alije Nametka broj 22-46; rekonstrukcija vodovodne i kanalizacione mreže u dijelovima ulica Paje, Paje sokak i Begovac.



## Popločavanje i kaldrme planirani u 2024. godini

Stepenište Grličića brdo preko puta džamije; kaldrma i stepenište Krka broj 1-5; stepenište Džeka kod broja 17; Mačkareva; Tabijska; Donje Čebedžije; Bakije sokak (Crvena tabija), Brusulje kod broja 2-5, stepeništa MZ Medrese, stepeništa u ulici Pastrma od broja 24 do broja 30, kameno popločanje na području užeg jezgra Bašćaršije, sanacija stepeništa u ulici Patke, sanacija kaldrmisanog stepeništa u ulici Očaktanum kod Vrčića Biseri, Sanacija kaldrme u užem jezgru Vratnik mejdana II faza, sanacija pješačke staze / izgradnja stepeništa u ulici brusulje kod broja 2-5, sanacija pješačke staze / izgradnja stepeništa u ulici Baruthana čikma – hadžijska ravan, sanacija kaldrmisanog stepeništa u ulici Pehlivanuša

## Potporni zidovi planirani u 2024. godini

Izgradnja zida Braće Morić broj 11; sanacija zida Garaplina broj 5, izgradnja zida Paje broj 52; izgradnja zida Sulejmana Zolja broj 13; izgradnja zida Alije Nametka broj 34-36; izgradnja zida Boguševac broj 52; izgradnja zida Ispod oraha 12-18; izgradnja zida Ramića banja (raskrsnica ulica Sedrenik i Ramića banja); Mustaj bega Ličkog (kod kontejnera); Prvi bataljon Sedrenik kod broja 110; Bajramuša broj 6, Čebedžije donje kod preko puta broja 19, Rogina kod broja 34, sanacija zida u ulici Hadži Mustafe Bostarića, sanacija potpornog zida u ulici Kamenica potok broj 13.



	NAZIV PROJEKTA	BUDŽET ZA 2024. GODINU
1	Asfaltiranje ulica	912.000
2	Izgradnja i rekonstrukcija vodovodne i kanalizacione mreže	1.300.000
3	Zimsko održavanje ulica	450.000
4	Potporni zidovi, rukohvati, odbojne ograde i putni odbojnici	200.000
5	Popločavanje i kaldrma, sanacija oštećenih ploča na šetnicama	240.000
6	Numerisanje kuća, sanacija stambenih jedinica	268.000
7	Izrada projektno-tehničke dokumentacije	197.000
8	Niše za smeće, uređenje javnih površina, slivnici, rešetke i poklopci, horizontalna i vertikalna signalizacija	104.000
9	Sanacija javne rasvjete	150.000
10	Uređenje Aleje ambasadora	40.000
11	Grant za obnovu vjerskih i kulturno-historijskih spomenika	50.000
	<b>Ukupno</b>	<b>3.911.000</b>



## Izdvajanja iz oblasti obrazovanja, kulture i sporta

Općina Stari Grad Sarajevo na godišnjem nivou izdvaja značajna finansijska sredstva u cilju obezbjeđivanja što povoljnijih uslova učenicima i nastavnom osoblju za njihov rad i boravak u školama.

Za aktivnosti iz oblasti iz obrazovanja, kulture i sporta u 2024. godini planirana su sredstva u iznosu od 2.783.000,00 KM.

Općina Stari Grad Sarajevo putem javnog poziva dodjeljuje stipendije nadarenim učenicima i studentima s ciljem promicanja znanja i motiviranja njihovog rada i zalaganja, te stipendira učenike/šegrote starih deficitarnih zanata s ciljem očuvanja istih od izumiranja.

Kroz planirana sredstva iz budžeta Općine za 2024. godinu za učenike slabijeg imovinskog stanja finansiraju se troškovi nabavke udžbenika za učenike od I – IV razreda osnovne škole, troškovi užina, troškovi odlaska na ekskurziju i troškovi produženog boravka za učenike slabijeg imovinskog stanja.

Na osnovu sporazuma sa Ministarstvom saobraćaja Kantona Sarajevo, za učenike koji žive u naseljima gdje nije uspostavljen redovan gradski saobraćaj, ova jedinica lokalne samouprave obezbjeđuje alternativni vanlinijski prevoz za učenike na relaciji kuća-škola-kuća.

Planiranim budžetskim sredstvima finansiraju se i sufinansiraju kulturne manifestacije od značaja za građane starogradske općine, kao i aktivnosti koje se realizuju u svrhu njegovanja kulturno-historijske baštine (podrška u radu kulturno umjetničkim društvima).

Animiranje građana svih starosnih dobi u posjetama pozorišnim predstavama ujedno predstavlja i podršku u radu kulturnim ustanovama koje realizuju aktivnosti iz kulturno-umjetničkog stvaralaštva. Finansijska podrška ove jedinice lokalne zajednice ne izostaje ni u projektima sportskih udruženja, ali ni sportistima za odlazak na sportska takmičenja.

Inkluzivnim djelovanjem nastojimo omogućiti i olakšati proces učenja i stvaranje podsticajnog okruženja za sugrađane sa poteškoćama u razvoju, te nastojimo da pružimo svaki vid podrške u programskim aktivnostima ustanovama i udruženjima koja se bave ovom populacijom stanovništva (prevoz za djecu sa poteškoćama u razvoju i sl.).

U prilogu je tabelarni prikaz izdvajanja u oblasti obrazovanja, kulture i sporta.



	NAZIV PROJEKTA	BUDŽET ZA 2024. GODINU
1	Prevoz djece - vanlinijski prevoz	400.000,00
2	Stipendije (za nadarene učenike/studente i učenike iz deficitarnih zvanja/zanimanja)	450.000,00
3	Socijalna inkluzija (sufinansiranje školarina, ekskurzija, užina, produženog boravka, nabavke udžbenika)	122.000,00
4	Grantovi za aktivnosti iz oblasti kulture	68.000,00
5	Lige osnovnih škola	30.000,00
6	Sufinansiranje sportskih projekata	1.500.000,00
7	Grant Memorijalnom centru Potočari	50.000,00
8	Grant za školu plivanja	15.000,00
9	Grant za zimovanje	15.000,00
10	Prevoz djece sa invaliditetom	33.000,00
11	Grant kategorisanim sportašima	25.000,00
12	Tekući transferi vjerskim zajednicama	15.000,00
13	Grant školama za nastavne i vannastavne aktivnosti	60.000,00
<b>Ukupno</b>		<b>2.783.000,00</b>



## Lokalni razvoj i podrška organizacijama civilnog društva

### Lokalni razvoj i podrška organizacijama civilnog društva

Lokalni razvoj Općine Stari Grad i u 2024. godini kao okosnicu svog djelovanja imat će realizaciju infrastrukturnih i drugih projekata donatorskim sredstvima koja se osiguravaju kroz projekte koje radi ova organizaciona jedinica, zatim projektne aktivnosti u oblasti zapošljavanja kroz regresiranje kamatne stope za privrednike i finansiranje pokretanja biznisa, brigu o osobama treće životne dobi itd. Također, lokalni razvoj podrazumijeva i stalno ažuriranje, iniciranje i izradu projektnih prijedloga, te izradu programa kojima Općina aplicira na javne pozive.

Za zapošljavanje ove godine je planirano 50.000 KM i to: 20.000 KM za sufinansiranje pokretanja biznisa i 30.000 KM za regresiranje kamatne stope. U ovoj godini planirana je realizacija projekta sanacije fasade i svjetlarnika na JU OŠ „Edhem Mulabdić“ centralni objekat u iznosu od 175.074,25 KM, a za realizaciju projekata OCD po Javnom pozivu u toku 2024. godine, planirana su novčana sredstva u iznosu od 390.000 KM.

NAZIV PROJEKTA		BUDŽET ZA 2024. GODINU
1	Projektne aktivnosti	400.000,00
2	Zapošljavanje	50.000,00
3	Rekonstrukcija odgojno-obrazovnih ustanova	175.074,25
4	Mladi	10.000,00
5	Realizacija projekata OCD po Javnom pozivu	390.000,00
<b>Ukupno</b>		<b>1.025.074,25</b>



## Izdvajanja u oblasti poljoprivrede

Za podsticajna sredstva u cilju razvoja poljoprivredne proizvodnje na području općine Stari Grad Sarajevo u 2024. godini planirano je 263.000,00 KM. Izdavanjem ovih sredstava nastavit će se trend podrške razvoju poljoprivredne proizvodnje u ruralnim dijelovima općine kroz podjelu i montažu plasćenika, podsticaj stočarske proizvodnje, pčelarstva, voćarstva, povrtlarstva na otvorenom, povrtlarstva u zaštićenom prostoru (plastenicima), poljoprivredna mehanizacija za obradu zemljišta, poljoprivredna oprema za skladištenje i preradu poljoprivrednih proizvoda.

U okviru projekta iz oblasti stočarstva nastavit će se podsticanje razvoja govedarstva, ovčarstva, kozarstva, peradarstva i zdravstvene zaštite životinja. Za razvoj stočarstva i uspješnu poljoprivrednu proizvodnju jedan od preduslova je konstantan nadzor nad zaraznim bolestima domaćih životinja.

Iz oblasti privrede u 2024. godini planirano je 75.000 KM.

NAZIV PROJEKTA		BUDŽET ZA 2024. GODINU
1	Stimulisanje plasteničke proizvodnje (nabavka i montaža plasćenika)	180.000,00
2	Stimulisanje povrtlarske, ratarske i gljivarske proizvodnje	20.000,00
3	Projekti iz oblasti pčelarstva	18.000,00
4	Projekti iz oblasti stočarstva	30.000,00
5	Projekti iz oblasti voćarstva	8.000,00
6	Zdravstvena zaštita, prevencija i nadzor domaćih životinja	7.000,00
<b>Ukupno</b>		<b>263.000,00 KM</b>

OPIS		BUDŽET ZA 2024. GODINU
1	Podrška tehnološkoj modernizaciji, usvajanju standarda kvaliteta i digitalizaciji procesa (podrška privrednicima)	25.000,00
2	Podsticaj za razvoj poduzetništva (obrt, trgovina, ugostiteljstvo, turizam)	50.000,00
<b>Ukupno</b>		<b>75.000,00 KM</b>



## Raspodjela sredstava civilne zaštite

Pregled strukture planirane potrošnje sredstava iz Budžeta Općine Stari Grad Sarajevo, ostvarenih u skladu sa članom 179. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj 39/03, 22/06 i 43/10)

- Planom utroška finansijskih sredstava za 2024. godinu, planirani su izdaci za rad Službe civilne zaštite Općine Stari Grad Sarajevo i izdaci koji proizilaze iz nadležnosti Općine, propisani članom 29. i 30. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj 39/03, 22/06 i 43/10) i Zakona o zaštiti od požara i vatrogastvu („Službene novine Federacije Bosne i Hercegovine“, broj: 64/09).
- U skladu sa Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 4/12, 80/13 i 20/20) i članom 184. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj 39/03, 22/06 i 43/10) sredstva posebne naknade služe isključivo za:
  - Pripremanje, opremanje i obuku općinskih štabova civilne zaštite, službi zaštite i spašavanja i jedinica civilne zaštite koje organizira Općina, povjerenika civilne zaštite Općine, kao i troškove koji nastanu tokom njihovog učešća u provođenju mjera zaštite i spašavanja po naređenju Općinskog štaba civilne zaštite
  - Opremanje pravnih lica u dijelu kada postavljeni zadaci tim licima nadilaze njihove materijalne mogućnosti
  - Prilagođavanje i održavanje drugih zaštitnih objekata potrebama sklanjanja ljudi i materijalnih dobara
  - Nabavku i održavanje sistema za uzbunjivanje stanovništva
  - Saniranje dijela šteta nastalih prirodnom i drugom nesrećom u skladu sa svojim materijalnim mogućnostima
  - Druge potrebe zaštite i spašavanja u skladu sa zakonom i drugim propisima

	<b>NAZIV PROJEKTA</b>	<b>BUDŽET ZA 2024. GODINU</b>
1.	Nabavka goriva za potrebe CZ	3.000,00
2.	Naknade članovima Štaba civilne zaštite Općine Stari Grad Sarajevo	23.000,00 KM
3.	Grant UVD „Vratnik“ za redovnu djelatnost	80.000,00 KM
4.	Izdaci za poreze i doprinose na dohodak od druge samostalne djelatnosti povremenog samostalnog rada (Štab CZ)	1.000,00 KM
5.	Grant za finansiranje usluge prihvatilišta za pse	8.000,00 KM
6.	Klizišta	50.000,00 KM
7.	Troškovi učešća u provedi mjera zaštite i spašavanja (tekuća sredstva)	27.500,00 KM
8.	Pripremanje, obuka i vježbe struktura civilne zaštite (tekuća sredstva)	27.500,00 KM
9.	Transferi za posebne namjene (elementarne nepogode i druge nepredviđene nesreće)	20.000,00 KM
10.	Hitne mjere zaštite i spašavanja (tekuća sredstva)	360.000,00 KM
11.	Sredstva za izgradnju i održavanje javnih skloništa i zaklona u 2024.godini	400.000,00 KM
12.	Sredstva za prilagođavanje drugih zaštitnih objekata za sklanjanje	100.000,00 KM
13.	Provođenje preventivnih mjera u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj 39/03, 22/06 i 43/10)	110.000,00 KM

## Služba za boračko-invalidsku i socijalnu zaštitu

Budžet za 2024. godinu Službe za boračko – invalidsku i socijalnu zaštitu

Planirana sredstva za izdvajanje iz oblasti boračko - invalidske i socijalne zaštite u Budžetu za 2024. godinu iznose 1.790.200 KM.

Za stipendiranje djece boračke populacije za 2023/2024. godinu planirano je 355.000 KM.

Za jednokratnu socijalna pomoć stanovništvu u šta spadaju socijalna pomoć za liječenje građana, grant po osnovu zdravstvene zaštite lica u stanju socijalne pomoći i nabavka ogrjeva za socijalno ugrožene porodice, planira se izdvajanje 895.000 KM.

Za jednokratnu pomoć osobama oboljelim od celijakije planira se iznos od 12.000 KM, dok je za redovnu djelatnost boračkih udruženja iz Starog Grada planirano 70.000 KM. U 2024. godini je planirano 125.000 KM za grantove porodiljama iz starogradske općine.

U tabelarnom prikazu predstavljene su i ostale raspodjele sredstava iz oblasti boračko - invalidske i socijalne zaštite:

	<b>NAZIV PROJEKTA</b>	<b>BUDŽET ZA 2024. GODINI</b>
1.	Stipendije učenicima I studentima boračke populacije	355.000
2.	Jednokratna socijalna pomoć stanovništvu, Socijalna pomoć za liječenje građana, grant po osnovu zdravstvene zaštite lica u stanju socijalne pomoći, nabavka ogrjeva za socijalno ugrožene porodice	895.000
3.	Grant oboljelim od celijakije	12.000
4.	Grant za oboljelu djecu	186.000
5.	Grant za porodilje Općine Stari Grad	125.000
6.	Grantovi boračkim organizacijama za redovnu djelatnost	70.000
7.	Grant pojedincima za Dan Općine i Dan šehida	20.000
8.	Grant za vantjelesnu oplodnju	25.000
9.	Grant paraplegičarima	7.200
10.	Grant Memorijalnom centru Sarajevo	25.000
11.	Grant Memorijalnom centru Potočari	50.000
12.	Grant Crvenom križu	20.000
	<b>UKUPNO</b>	<b>1.790.200</b>



Budžet za građane Općine Stari Grad Sarajevo predstavlja jednu vrstu pojednostavljenog budžetskog dokumenta čija je osnovna karakteristika da je kreiran tako da bude dostupan i razumljiv većem dijelu građana.

Budžet za građane je dokument pisan jednostavnim i jasnim jezikom koji građani mogu razumjeti. Ako su u stanju da razumiju, građani onda mogu ostvarivati svoja građanska prava u demokratiji i postavljati pitanja koja osiguravaju da vlast objašnjava ono što radi u njihovo ime.

Pogledajte Budžet za građane, a u slučaju da je ostalo nešto nejasno i nedorečeno, kontaktirajte nas na dole navedene adrese.



## Kontakt sa građanima:



+38733282343



info@starigrad.ba  
edina.osmanagic@starigrad.ba



Općina Stari Grad Sarajevo  
Zelenih beretki 4

## Impressum:

Izdavač: Općina Stari Grad Sarajevo

Pripremili: Služba za odnose s javnošću i informacioni sistem

Grafički dizajn: Safet Mališević

Sarajevo, januar, 2024. godine